

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće

PRIJEDLOG

Broj: _____/25
Kakanj, _____/25. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Općine Kakanj“, broj: 49/06 i 51/09) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na __. sjednici održanoj _____.godine, **donijelo je**

ODLUKU
o usvajanju Izvještaja o provedenim izborima u
mjesnim zajednicama općine Kakanj

Član 1.

Ovom Odlukom usvaja se Izvještaj o provedenim izborima u mjesnim zajednicama općine Kakanj

Član 2.

Sastavni dio ove Odluke je Izvještaj Komisije za provođenje izbora u mjesnim zajednicama općine Kakanj

Član 3.

Ova Odluka stupa na snagu danom donošenja, a objavit će se u „Službenim novinama Općine Kakanj“.

PREDSJEDAVAJUĆI
OPĆINSKOG VIJEĆA

Slaven Katičić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
OPĆINSKO VIJEĆE
Komisija za provođenje izbora u
mjesnim zajednicama općine Kakanj**

**I Z V J E Š T A J
o provedenim izborima
u mjesnim zajednicama općine Kakanj**

Kakanj, juni 2025. godine.

UVODNE NAPOMENE

Na prijedlog Službe za opću upravu radne i zajedničke poslove, lokalnu samoupravu i mjesne zajednice Općine Kakanj, od strane Općinskog vijeća odlučeno je da se izbori u mjesnim zajednicama provedu tajnim glasanjem.

Peti put, Komisija za provođenje izbora u mjesnim zajednicama općine Kakanj nastojala je u skladu sa svojim zadacima utvrđenim Rješenjem Općinskog vijeća što bolje provesti iste, te time u duhu evropskih tendencija na svoj način doprinijeti shvatanju funkcije i značaja mjesne samouprave.

Stoga, Komisija Općinskom vijeću predlaže da se ovaj izvještaj usvoji i konačno potvrde mandati predsjednicima i članovima savjeta mjesnih zajednica u Općini Kakanj.

U skladu sa Odlukom o raspisivanju i održavanju izbora za članove savjeta mjesnih zajednica općine Kakanj broj: 01/1-5-131/25 od 27.03.2025 i Rješenjem o imenovanju Komisije za provođenje izbora u mjesnim zajednicama općine Kakanj broj 01/1-5-132/25 od 27.03.2025. godine, Komisija za provođenje izbora u mjesnim zajednicama općine Kakanj /u daljem tekstu: Komisija/ na prvoj sjednici održanoj dana 03.04.2025. godine razmatrala je i usvojila

**PROGRAM AKTIVNOSTI
NA PROVOĐENJU IZBORA U MJESNIM ZAJEDNICAMA OPĆINE
KAKANJ**

1. Izrada obavještenja i javnog poziva za medije i mjesne zajednice o održavanju izbora u mjesnim zajednicama općine Kakanj,
2. Izrada Uputstva za podnošenje i ovjeru kandidatskih lista za izbore u mjesnim zajednicama općine Kakanj,
3. Izrada kandidatskog lista i izjave o prihvatanju kandidature za člana savjeta mjesne zajednice,
4. Objavljivanje javnog poziva i obavještenja o održavanju izbora u mjesnim zajednicama na internet stranici općine, radio Kakanju i NTV IC Kakanj,
5. Distribucija javnog poziva, Uputstva za podnošenje i ovjeru kandidatskih lista za izbore u mjesnim zajednicama općine Kakanj, kandidatskih lista, izjava o prihvatanju kandidature mjesnim zajednicama,
6. Utvrđivanje biračkih mjesta,
7. Donošenje odluke o biračkim mjestima,
8. Nabavka i obezbjeđenje izbornog i drugog potrošnog materijala neophodnog za izbore,
9. Imenovanje biračkih odbora,
10. Izrada Odluka o imenovanju članova biračkih odbora za provođenje izbora,
11. Izrada Uputstva o procedurama za akreditiranje posmatrača za izbore u mjesnim zajednicama općine Kakanj,
12. Izrada liste predloženih posmatrača, izjave o poštivanju tajnosti glasanja i akreditacije za posmatrače,

13. Provjera prijavljenih kandidata kroz CIPS bazu prebivališta, dostavljanje pismenih odgovora kandidatima koji neispunjavaju uslove,
14. Formiranje kandidacijskih lista i izrada glasačkih listića,
15. Izrada Biračkih spiskova i preuzimanje CD-a od CIK-a, štampanje biračkih spiskova,
16. Izrada Pravilnika o načinu glasanja i brojanja glasačkih listića, zapisnika o radu biračkog odbora, obrasca za brojno stanje i obrasca za zbirne rezultate,
17. Izuzimanje glasačkih kutija i izrada sigurnosnih pečata,
18. Obilazak biračkih mjesta, izuzimanje ključeva od poslovnih prostora gdje se planiraju održati izbori
19. Održavanje obuke za predsjednika biračkih odbora
20. Podjela izbornog materijala biračkim odborima,
21. Prijem i pregled izbornog materijala
23. Utvrđivanje preliminarne rezultata izbora za predsjednike savjeta i objava istih,
24. Pregled zapisnika o radu, razmatranje i odlučivanje o prigovorima podnesenim Komisiji za provođenje izbora u mjesnim zajednicama općine Kakanj,
25. Utvrđivanje preliminarne rezultata izbora za članove savjeta i objava istih,
26. Izrada specifikacija za isplatu naknada članovima biračkih odbora i lica čiji su prostori korišteni za održavanje izbora,
25. Podnošenje izvještaja o radu Općinskom vijeću od strane Komisije za provođenje izbora u mjesnim zajednicama općine Kakanj i Prijedloga Odluke o potvrđivanju izbornih rezultata.

1. Izrada obavještenja i javnog poziva za medije i mjesne zajednice o održavanju izbora u mjesnim zajednicama općine Kakanj

Komisija za provođenje izbora u mjesnim zajednicama općine Kakanj je na prvoj sjednici raspravljala o medijskom praćenju izbora u mjesnim zajednicama. U skladu sa Programom aktivnosti, sačinjeno je kraće obavještenje i javni poziv za službenu stranicu Općine Kakanj, Radio Kakanj i NTV IC.

2. Izrada Uputstva za podnošenje i ovjeru kandidatskih lista za izbore u mjesnim zajednicama općine Kakanj

Uputstvom je regulisano; ko može podnijeti prijedlog za kandidata¹ u savjet mjesne zajednice uslovi za kandidata, nacionalna i spolna zastupljenost, sadržaj kandidacionog listića, izjava o prihvatanju kandidature, rok za podnošenje prijedloga, abecedni red kandidata na listi, te obrasci koji su sastavni dijelovi Uputstva.

3. Izrada kandidatskog lista i izjave o prihvatanju kandidature za člana savjeta mjesne zajednice

Kandidatski list u skladu sa Uputstvom sadržavao je; ime i prezime kandidata, adresu stanovanja, naziv MZ i podružnice za koju se predlaže, kontakt telefon i datum. Uz ove podatke, nalazili su se podaci o predlagачu (naziv organizacije, adresa-sjedište kontakt telefon). Izjava o prihvatanju sadržavala je slijedeće podatke o kandidatu: JMB, adresu, potpis, datum i tačno vrijeme davanja izjave.

4. Objavljivanje javnog poziva i obavještenja o održavanju izbora u mjesnim zajednicama na internet stranici općine, Radiju Kakanj i NTV IC Kakanj

Obavještenje i javni poziv objavljuvani su od 16.04.2025. do 16.05.2025. godine na internet stranici općine Kakanj, na Radiju Kakanj i NTV IC.

5. Dostavljanje javnog poziva, Uputstva za podnošenje i ovjeru kandidatskih lista za izbore u mjesnim zajednicama općine Kakanj, kandidatske liste, izjava o prihvatanju kandidature mjesnim zajednicama

Javni poziv, Uputstvo za podnošenje i ovjeru kandidatskih lista za izbore u mjesnim zajednicama općine Kakanj, kandidatske liste, izjave o prihvatanju kandidature mjesnim zajednicama umnoženi su i dostavljeni aktuelnim savjetima mjesnih zajednica.

6. Utvrđivanje biračkih mjesta

Iako Komisiju ne obavezuju odredbe Pravilnika Centralne izborne komisije koje zabranjuju održavanje izbora u vjerskim objektima, zgradama organa vlasti, zgradama političkih stranaka, zgradama korištenim za mučenja ili zlostavljanja, te mjestima gdje se služi ili konzumira alkohol, vodilo se računa da nijedno biračko mjesto ne bude u gore navedenim objektima ili mjestima. Komisija je u saradnji sa aktuelnim predsjednicima savjeta određivala biračka mjesta prema potrebama svake mjesne zajednice. Komisija je prvobitno odredila 47 biračka mjesta, dakle u svakoj mjesnoj zajednici po jedno biračko mjesto. Na pismene zahtjeve u MZ Dubovo Brdo i Dumanac, zbog udaljenosti podružnica, Komisija je naknadno odobrila dodatna dva biračka mjesta po 4 sata.

7. Donošenje odluke o biračkim mjestima

Odluka o biračkim mjestima je sadržavala: dan održavanja izbora, naziv i opis biračkog mjesta, te tačno vrijeme održavanja izbora po biračkim mjestima. Odluka je objavljena na službenoj stranici Općine Kakanj, u Kakanjskim novinama, te Radiju Kakanj.

¹ Prema članu 73. Statuta općine Kakanj prijedloge kandidata za članove savjeta mjesne zajednice mogu podnijeti; građani (pojedinačno ili grupno) organi političkih stranaka, druge organizacije i udruženja koja djeluju na području mjesne zajednice.

Odluke su blagovremeno dostavljene svim mjesnim zajednicama u broju primjeraka koliko ima biračkih mjesta za tu mjesnu zajednicu.²

8. Upućivanje zahtjeva za nabavku potrošnog materijala

Komisija je blagovremeno izvršila nabavku potrošnog materijala, te na bazi procenta izlaska birača na izbore 2021. godine odštampana glasačke listiće. Uz dodatnu potražnju biračkih odbora, Čatići, Doboj, Donji Kakanj, Ričica, Bukovlje, Zagrađe ukupno je odštampano 8.500 glasačkih listića.

9. Imenovanje biračkih odbora

Komisija je imenovala ukupno 45 biračka odbora. Birački odbori su sa tri člana bez obzira na broj upisanih u CBS i broj biračkih mjesta u mjesnoj zajednici.

10. Izrada odluka o imenovanju članova biračkog odbora za provođenje izbora

Odluka o imenovanju sadržavala je; imena predsjednika, članova i zamjenika biračkog odbora, obrazloženje, te odredbu o pravu na naknadu za rad u biračkom odboru. Komisija je odlučila da se sa evidencija Općinske izborne komisije općine Kakanj angažuju certificirani članovi biračkih odbora koji su ranije proveli Opće ili Lokalne izbore.³

11. Izrada Uputstva o procedurama za akreditiranje posmatrača za izbore u mjesnim zajednicama općine Kakanj.

Uputstvom je regulisano; pravo predlaganja, izgled i sadržaj akreditacije, procedura akreditiranja posmatrača, izrada i dostavljanje akreditacija, broj predloženih posmatrača, lica koja ne mogu biti posmatrači, postupak pristupa akreditiranog posmatrača na izbornom mjestu, način podnošenja primjedbi, oduzimanje statusa posmatrača, kao i sastavni akti Uputstva.

Komisiji je blagovremeno dostavljeno 37 prijedloga posmatrača, kojima su izrađene i dostavljene akreditacije. Za vrijeme izbornog procesa, tj. do okončanja postupka glasanja, u 45 zapisnika o radu biračkih odbora nije konstatovana niti upisana nijedna primjedba na rad biračkog odbora. S druge strane, niti od biračkih odbora nisu prijavljivana ometanja izbornog procesa od strane posmatrača.

12. Izrada liste predloženih posmatrača, izjave o poštivanju tajnosti glasanja i akreditacije za posmatrače.

Lista predloženih posmatrača sadrži naziv predlagača, telefon, datum, redni broj, ime i prezime, JMB posmatrača, datum i potpis. Izjava⁴ o poštivanju tajnosti glasanja sadrži ime i

² Prilikom određivanja biračkih mjesta za provođenje izbora mjesnih zajednica općine Kakanj telefonskim putem je obavljen razgovor sa svim predsjednicima mjesnih zajednica oko dogovora za precizne lokacije. Biračka mjesta su bazirana na vidljive odnosno istaknute lokacije, kako bi se olakšalo glasanje biračima.

³ Komisija za provođenje izbora u mjesnim zajednicama Općine Kakanj je za predsjednike i članove biračkih odbora imenovala lica certificirana od strane Centralna izborne komisije BiH. Radi se o licima koja duži niz godina provode izbore za OIK-u, licima koja su provodila i ranije izbore u mjesnim zajednicama, licima koja su lično poznata članovima Komisije i koja su svojim dosadašnjim radom zadobila povjerenje za ovaj posao.

⁴ U Izjavi se kaže da posmatrač, u toku izbora neće ometati izbore i poštivat će tajnost glasanja. Za vrijeme posmatranja izbora nosit će akreditaciju i neće nositi bilo kakva obilježja ili oznake koji ga povezuju sa određenom političkom strankom, udruženjem ili nevladinom organizacijom.

prezime posmatrača, predlagača, pravila ponašanja, datum i potpis predsjednika Komisije. Članom 3. Uputstva propisan je izgled i sadržaj same akreditacije.

13. Provjera kandidata, formiranje kandidatske lista i izrada glasačkih listića

Za 237 predloženih kandidata vršila se provjera na osnovu biračkih spiskova i direktnog pristupa bazi CIPS-a. Devet kandidata nije bilo na listama za savjet, jer nisu imali prebivalište na području mjesne zajednice za koju su kandidovani.

14. Birački spiskovi i preuzimanje CD-a sa biračkim spiskovima Općine Kakanj po mjesnim zajednicama od strane CIK-a

Od strane Centralne izborne komisije dostavljena je aplikacija, gdje se insistiralo da se po pripadajućim podružnicama odnosno naseljenim mjestima izvrši podjela kompletnog biračkog spiska po mjesnim zajednicama. To je podrazumjevalo oko 6.900 stranica gdje se na svaku rubriku mora popuniti podatak kojoj podružnici pripada.⁵

15. Izrada Pravilnika o načinu glasanja i brojanja glasačkih listića, zapisnika o radu biračkog odbora, obrasca za brojno stanje i obrasca za zbirne rezultate.

Pravilnikom se uređuju; **biračka mjesta**/određivanje, objava, obilježja i pojam/, **birački odbori** /odgovornost i uloga, način rada/ **zapisnik o radu, način glasanja**/dan uoči izbora, otvaranje biračkog mjesta, procedure glasanja, tajnost glasanja, identifikacioni dokumenti, izdavanje glasačkih listića, oštećeni listići, pomoć dr. lica, udaljavanje sa biračkog mjesta, zatvaranje biračkog mjesta, **postupci brojanja glasačkih listića i glasova**, obrada i objava izbornih rezultata/, **te sastavni dio pravilnika.**

16. Izuzimanje glasačkih kutija i izrada pečata

Komisija je za potrebe izbora izuzela od Općinske izborne komisije plastične kutije za glasanje, dok je sama izradila zaštitne pečate za glasačke kutije.

17. Održavanje obuke za biračke odbore

Dan uoči održavanja izbora, Komisija je izvršila obuku biračkih odbora u sali Općinskog vijeća kojom prilikom su članovi biračkog odbora upoznati sa Pravilnikom o načinu glasanja i brojanja glasačkih listića, te je predsjednicima biračkih odbora podijeljen po jedan primjerak istog.⁶ Komisija je tom prilikom upoznala biračke odbore sa specifičnostima izbora i dala odgovore na postavljena pitanja.

18. Podjela izbornog materijala biračkim odborima

Komisija je zapisnički svim biračkim odborima u subotu 31.05.2025. godine izdala glasačke kutije, pečate, glasačke listiće, biračke spiskove, Pravilnik o načinu glasanja i brojanja glasačkih listića i drugi potrošni materijal.

⁵ Komisija za provođenje izbora u mjesnim zajednicama općine Kakanj, je na pomenutoj aplikaciji intenzivno radila sedam radnih dana.

⁶ Obuku biračkih odbora, dan prije održavanja izbora su izvršili članovi Komisije Arnaut Bahrudin Sedin Karahodžić.

19. Prijem i pregled izbornog materijala

Nakon zatvaranja biračkih mjesta, brojanja potpisa na biračkim spiskovima, birački odbori izvršili su brojanje glasova i utvrđivanje izbornih rezultata. Birački odbori su izborni materijal, nakon popunjavanja i pakovanja, dostavili u zgradu Općine Kakanj, gdje je Komisija izvršila pregled i ispravnost izbornih obrzaca.

20. Utvrđivanje preliminarnih rezultata izbora za predsjednike savjeta i objava istih.

Komisija je istu noć sačinila preliminarne rezultate izbora za predsjednike savjeta mjesnih zajednica, ukupnu izlaznost birača, mjesnu zajednicu sa najvećim brojem izlaznosti na izbore i predsjednika sa najvećim brojem glasova u odnosu na broj birača koji su glasali.

21. Razmatranje i odlučivanje o prigovorima podnesenim Komisiji za provođenje izbora u mjesnim zajednicama općine Kakanj

Komisija je na dan izbora pregledala sve zapisnike o radu biračkih odbora. Bitnih primjedbi i predavki nije bilo.

Na izbore u mjesnim zajednicama izašlo je **7.312** birača. Najveća izlaznost je u Mjesnoj zajednici Doboj sa **573**, a najmanja u Mjesnoj zajednici Starposli sa **30** birača.

22. Utvrđivanje preliminarnih rezultata izbora za članove savjeta i objava istih.

Komisija je u skladu sa članom 5. Odluke o raspisivanju i održavanju izbora u mjesnim zajednicama općine Kakanj, razmatrala i utvrdila rezultate izbora za članove Savjeta u mjesnim zajednicama.

23. Izrada specifikacija za isplatu naknada članovima biračkih odbora

Komisija je prije preuzimanja materijala zadužila predsjednike i članove da dostave žiro račune za isplatu, kako ne bih morali još jedanput po tom pitanju dolaziti. Nakon što su dostavljeni izvodi banaka, sa spiskovima ih je Komisija predala Službi za finansije⁷.

24. Podnošenje izvještaja o radu Općinskom vijeću od strane Komisije za provođenje izbora u mjesnim zajednicama općine Kakanj s Prijedlogom Odluke o potvrđivanju izbornih rezultata.

BEZBJEDONOSNI ASPEKT

U izvještaju je istaknuto da su se izbori održali na 47 biračkih mjesta/lokacija. I bez obzira na broj biračkih mjesta službenici Policijske stanice Općine Kakanj nisu imali potrebe za intervencijama niti u jednoj mjesnoj zajednici.

PRIJEDLOG KOMISIJE

Obzirom da su ovo peti tajni izbori u mjesnim zajednicama provedeni u skladu sa Statutom Općine Kakanj, održani na 47 lokacija bez ikakvih bezbjedonosnih problema, izbori sa izlaskom **7.312 birača**, Komisija za provođenje izbora u mjesnim zajednicama općine Kakanj, predlaže Općinskom vijeću Općine Kakanj da usvoji Izvještaj o radu i potvrdi izborne rezultate za članove Savjeta u mjesnim zajednicama Općine Kakanj.

⁷ Općinskom načelniku Komisija je dala prijedlog za naknade za rad biračkih odbora. Predsjednicima biračkih odbora neto iznos od 140,00 KM, a članovima 90,00 KM. Prijedlog Komisije je prihvaćen i isplata je već izvršena.